

Ք Ա Ղ Ա Ք Ա Կ Ա Ն Ե Կ Ա Ր Ա Գ Ի Ր

29. ԲՆԱԿԻԶՔ. ՀԱՅՔ. — Հայաստան աշխարհք՝ որ բազում հաւանութեամբ՝ երկից խանձարուրք եղեալ է մարդկութեան, յարարադորձութեան նորին և ՚ի զերծման ՚ի ջրհեղեղէն, աներկբայապէս ընակեցաւ նախ յորդուց և ՚ի թուանց Նոյի ցեղապետի. և ՚ի չուել մարդկանն ՚ի Բաբելոն և յայլ կողմանս՝ կային յերկրի մերում տակաւին սերունդք նոցա. զորս ընդ իւրև նուաճեալ յապետոսեանն և թորգոմածին Հայկն հսկայ՝ դարձ առնելով ՚ի Բաբելոնէն, յիւր անուն և զերկիրն կոչեաց Հայք, յոր կոչեցան և այլ գաւառք շուրջ ՂԱրարատաւ, Տարօնով և Վասպուրահանաւ և Սիւնեօք. յորս նախ սփռեցան սերունդք նորա. և առ փոքր փոքր՝ ամենայն աշխարհն՝ զորոյ սահմանս կարգեցաք ՚ի սկզբանն. և ՚ի մի ազգ ձուլեալ միացան և եղբրական բնակիչքն թորգոմաղնեայք և ազքանաղեանք և օտարք ոմանք սեմականք, որք վաղու ևս կալեալ էին զկողմանս բնակութեան իւրեանց, և տեղածինք կոչին. յորս գրեղնք են խաղտիք, Տայք, Գուգարք և Կորձայք և Ուալիք: Յաւուրս Արամայ նահապետի որ 400 ամբ զկնի Հայկայ ընդարձակեաց զսահմանս պետութեանն, խառնեցան ընդ արևմտեայ Հայս փոխազայք, Կասպադովկայք և այլք ՚ի հնագոյն բնակչաց Փ. Ասիոյ. յետ այնորիկ ՚ի Ժամանակս Հայկազանց և Արշակունեաց՝ և այլ զանազան ազգք, է որ գերութեամբ, է որ կամովն գաղթելով և է որ ասպատակաւ. ՚ի սոցին սակի են նախ Սկիւթացիք կամ խաղըրքն հին՝ յարևելս հիւսիսոյ աշխարհին Հայոց, Մարք յարևելս հարաւոյ, ընդ որս և Քաղդէացիք ՚ի Կորդուս, Ասորեստանեայք յԱլձնիս և յերկրին Արժրունեաց ՚ի Վասպուրահան, Ճէնք՝ որ են Ուսպելեանք և Մամիկոնեանք ՚ի Գուգարս և ՚ի Տարօն. Հրեայք ՚ի Սպեր, յորոց Բաքրատունիք և Ամատունիք, և յայլ զանազան կողմանս. Քանանացիք յառաջ քան զնոսա, յորոց Գնթունիքն սերեցան. Պարթևք և Պահլաւք՝ յաւուրս Արշակունեաց, Հնդկիք ՚ի կողմանս Տարօնոյ և Գնչուք. Բուլղարք ՚ի կողմանս Վանանգայ. և Ալանք և Վիրք և Յոյնք, այլովք հանդերձ: Սոքա ամենեքեան թէպէտ և բարուք և կրօնիւք զանազանեալք ոչ սակաւ Ժամանակս, այլ տակաւ փոխեցան յօրէնս և ՚ի լեզու հայկական և եղեն մի ազգ և մի լեզու. բայց տակաւին մնաց խալիք զանազանութեան ՚ի բարբառս խօսից նոցին, որք Եղբրական լեզուք (գաւառականք) կոչեցան ՚ի նախնեաց մերոց մատենագրաց և թուին վեց կամ եօթն. և ցարդ լին այլաձայն բարբառք ՚ի կողմանս Մոկայ, Գողթան և այլ ուրեք ուրեք, որք յարարատեան և ՚ի Տարօնոյ բարբառոյ ոչ սակաւ զանազանին, այլ ոչ է ուրուք խնամով հետազօտեալ և նշանակեալ զայսպիսիս: Յայսքան աղբերաց գետացեալ ազգ Հայոց՝ ըստ օժանդակութեան արգաւանդահող երկրին և օդոց քաջանսութեան, երկրադորձ և անա-

սէր բարուց մարդկան, և անաշխարհակալ պարասմանց թագաւորաց երկրին՝ աճեաց յոյժ բազմասերութեամբ. և որպէս յայսցանէ է գուշակել և ՚ի բազմութենէ տոհմից և պայազատութեանց, դաւառաց և վիճակաց, և անթիւ անուանց և նշանաց գիւղորից և ագարակաց, հարկ էր իբրև զմի ՚ի բազմամարգագոյն աշխարհաց Եւրոպիոյ լինել Հայաստանեայց յաւուրս հարստութեան բարեբաստիկ տեսրոց իւրոց: Բայց յետ տկարանալոյ և բաւանալոյ տանն Արշակունեաց, ՚ի սկզբանէ անտի Ե դարու սկսաւ նուազել Հայսութիւն և բնակիչն աշխարհին, որ գաղթիւ և որ սպառնամբ սրոյ և պէսպէս վտանգաց. և ազգք եկամուտք սպրդեցան ՚ի ներքս մի ըստ միովէ, Պարսք, Յոյնք, Արաբացիք, Սկիւթացիք կամ Թուրքք, Թաթարք, Վիրք, Կովկասայինք, Ասորիք, և յետոյ Քուրդք, Օսմանեան Թուրքք, և աստ ուրեմն Ռուսք. և թէպէտ այսքան ազանց ասանջական եղև Հայաստան կամաւ կամ ակամայ, այլ ՚ի խուռն ասպատակէ և յանդուլ պատերազմաց՝ նուազեաց ընդհանուր բընակութիւն երկրին, և թերևս ոչ աւելի քան զհինգ միլիոն իցեն այժմ ՚ի նմա բնակիչք, և հնդիւր մասամբ միայն բնիկք, այսինքն Հայք. քանզի մեծաթիւ մասն ազգիս արտաքոյ սեփական հայրենեացն դտանի, ՚ի Փ. Ասիա և յամենայն Օսմանաստան և ՚ի Ռուսաստան, և ցրիւ գրեթէ ընդ ամենայն կողմանս երկրի. զորոց միահամուռ թիւ՝ արտաքինք յՁ միլիոն գումարեն, մերայինք յամաց հետէ ՚ի չորս, իսկ ինձ հաւանագոյն թուի միլիոն չափ. ընդ ամենայն Ռուսաստան հաշուին Հայք ոչ աւելի քան զ՝500,000, ՚ի Պարսկաստան իբրև 100,000, յԱւստրիա 18,000, յԱփրիկէն 5,000իւ չափ, ոչ աւելի և ՚ի Հնդկիս. իսկ յայլ ամենայն կողմանս Եւրոպիոյ և ոչ հազար մի. բայց միայն յօմանեանն Եւրոպա 400,000իւ չափ. իսկ այլ ամենայն հայորեար տարածեալ է ՚ի Մեծ և ՚ի Փոքր Հայս, և յամենայն Փոքր Ասիա, ՚ի Միջագետս և յԱսորիս, և սակաւք սփռեալք ՚ի խորին աշխարհս Ասիոյ: Խոսագոյն բնակութիւն Հայոց ՚ի բուն Հայս ծանուցեալ է յԵրևանեան նահանգի, ՚ի Մուշ, ՚ի Վան, ՚ի Կարին, յԵղնիկ, ՚ի խարբերք, յԱլշիկերտու կողմանս. իսկ արտաքոյ ՚ի կողմանս Կեսարիոյ, Արաբկերու, Տիլիլիու, Անթապու, ՚ի Կոստանդնուպօլիս, ՚ի Տփլիսիս. և այլ ուրեք ուրեք:

30. ՕՏԱՐ ԲՆԱԿԻԶՔ. — Երկրորդ ազգ յետ Հայոց և բազմաթիւ քան զնոսա և քան զայլն են Քուրդք բազմատոհմք, իբրև միլիոն և կէս, սերունդք Կորդուաց նախնեաց և Քաղդէացոց և խառնուրդ անձանօթ. կէսք հնազանդք Օսմանեանց և Պարսից, և այլք ինքնազուլի իշխանօք վարեալք, շնաբնակք և վրանաչըլիկք. կրօնիւք մահմետական, լեզուաւ՝ մերձաւորք պարսկայնոյն: — Գ. Երկրորդ թուրքք և Թուրքմանք և Թէրէքէմէ, ընդ որս Գ. Օսմանեանք,